



ՀՈՒՅՆՆԵՐԻ ԶԵՆՈՒԹՅՈՒՆ ԿԻՊՐՈՍԻ ՄԵԼԳՈՆՅԱՆ ԿՐԹԱԿԱՆ ՀԱՍՏԱՏՈՒԹՅՈՒՆՈՒՄ

1983 թվականի դեկտեմբերի 17-ին Մելգոնյան կրթական հաստատության հանդիսությունների դափնիճը յուրահատուկ շուք ու խորհրդավորություն ուներ: Հ. Բ. Ը Միության Նիկոպիայի մասնաճյուղի և Մելգոնյան կրթական հաստատության նախաձեռնությամբ տոնվում էր Ն. Ս. Օ. Տ. Տ. Վազգեն Ա Ամենայն Հայոց Կաթողիկոսի ծննդյան 75-ամյակը, քահանայազործման 40-ամյակը և գահակալության 28-ամյակը: Հանդեսին ներկա էին կիպրահայ գաղութի պետական ներկայացուցիչ պրն. Արամ Գալաճյանը, թեմի առաջնորդական փոխանորդ Տ. Եղիշե ծայր. վրդ. Մանճիկյանն ու ազգային այլևայլ սարմինների ներկայացուցիչներ:

Հանդեսը բացեց Հ. Բ. Ը Մ. Նիկոպիայի մասնաճյուղի մշակութային հանձնաժողովի ատենապետ տիկ. Երան Գույումճյանը: Նա գեղեցիկ և կուռ խոսքով բնութագրեց Վեհափառ Հայրապետի կաթողիկոսական բազմերես գործունեությունը՝ ընդգծելով հատկապես Վեհափառի դերը՝ Հայրենիք-Սփյուռք կապերի ամրապնդման և մանավանդ հայրապետական այցելություններով Սփյուռքում ազգային նոր ոգի արթնացնելու մեջ:

Ապա բարձր դասարանցիների վարպետ կատարումով ներկայացվեց Հ. Օջականի «Ոսկե Ուռնակ» խորհրդապատկերը, ուր պատկերվում է Էջմիածնի հիմնարկեքը աստվածային միջամտությամբ: Բեմադրող ուսուցիչ Սեպուհ Աբգարյանը բեմադրությունը պուգորդել էր գեղեցիկ երաժշտությամբ և Մայր տաճարի՝ ամբողջ բեմի գրավող նկարով:

Ներսես Կատարի «Էջմիածնի 1680-ամյակին» ներբողական բանաստեղծությունը մեծ ներշնչումով արտասանեց Դ դասարանցի Արմեն Ուրնեշյանը: Հաճելի էր լսել առաջին դասարանցի մանչերի նորակապ ու երգչախումբի երայրը «Էջմիածին» և «Վազգեն Հինաբաբ» երգերի խանդավառ կատարումով, որից հետո 2 դասարանի աշակերտների Նո-

րա Փափազյանը արտասանեց Ն. Կատարի երկրորդ ներբողական բանաստեղծությունը:

Ապա օրվա բանախոս, Մելգոնյան կրթական հաստատության հայոց լեզվի և գրականության, հայ մատենագրության և գրաբարի ուսուցիչ Երվանդ Մելքոնյանը պեկուցում կարդաց Վեհափառ Հայրապետի կյանքի և գործունեության մասին: Նախ վեր հանեց Վեհափառի կենսագրության հիմնական գծերը, ապա բնութագրեց Վեհափառին իբրև մարդ, մանկավարժ, մտածող և կաթողիկոս: Ձեկուցողը հատկապես ընդգծեց Նորին Սրբության շինարարական գործունեությունը, որի շնորհիվ բազմաթիվ եկեղեցիներ, որոնք Նախապես կիսավեր էին կամ քանդված, այժմ վերանորոգված են և բարեկարգված: Ձեկուցողը մատնանշեց, որ Վեհափառը մեծ ձիգ թափեց՝ Էջմիածնում վանական կոնք ստեղծելու, Մայր Աթոռի տնտեսական վիճակը բարելավելու և կայունացնելու, մշակութային կյանքը ծաղկեցնելու համար: Բանախոսը հատուկ ուշադրություն ընծայեց Վեհափառի շրջադարձային դերին՝ Հայրենիք-Սփյուռք կապերի արմատավորման և ծավալման մեջ:

Այնուհետև ելույթ ունեցավ Մելգոնյան կրթական հաստատության քառաձայն երգչախումբը, որը երկարամյա անխնայ խմբավար Ս. Աբգարյանի ղեկավարությամբ գեղեցկորեն և խորունկ ընկալումով կատարեց «Հայր մերը», «Եկեղեցին հայկական» և «Լուսավորչի ունկնդրեցին նաև Վեհափառի կենդանի ձայնը, ապա ընթերցվեց Նորին Սրբության օրհնության գիրը՝ ողջոված հանդեսի մասնակիցներին:

Հանդեսը փակվեց առաջնորդական փոխանորդ Տ. Եղիշե ծայր. վրդ. Մանճիկյանի «Պահպանիչով»: